

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i član 6. Odluke o preuzimanju prava i obaveza osnivača i usklađivanju organizacije i poslovanja Javne zdravstvene ustanove Kantonalni zavod za borbu protiv bolesti ovisnosti („Službene novine Zeničko-dobojskog kantona“, broj: 11/12) na prijedlog Ministarstva zdravstva, Vlada Zeničko-dobojskog kantona, na 152. sjednici održanoj dana 20.07.2018. godine, d o n o s i

ZAKLJUČAK

I.

Utvrdjuje se Prijedlog Odluke o izmjenama Odluke o preuzimanju prava i obaveza osnivača i usklađivanju organizacije i poslovanja Javne zdravstvene ustanove Kantonalni zavod za borbu protiv bolesti ovisnosti.

II.

Prijedlog Odluke iz tačke I ovog Zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/18.

Datum, 20.07.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo zdravstva,

1x Stručna služba Skupštine,

1x a/a

PRIJEDLOG

Na osnovu člana 21. Zakona o ustanovama („Službeni list Republike Bosne i Hercegovine“, broj: 6/92, 8/93 i 13/94) i člana 6. Odluke o preuzimanju prava i obaveza osnivača i usklađivanju organizacije i poslovanja Javne zdravstvene ustanove Kantonalni zavod za borbu protiv bolesti ovisnosti („Službene novine Zeničko-dobojskog kantona“, broj: 11/12), Skupština Zeničko-dobojskog kantona, na _____ sjednici, održanoj dana _____ 2018. godine, d o n o s i

O D L U K U

o izmjenama Odluke o preuzimanju prava i obaveza osnivača i usklađivanju organizacije i poslovanja Javne zdravstvene ustanove Kantonalni zavod za borbu protiv bolesti ovisnosti

Član 1. (Izmjena člana 2. Odluke)

U Odluci o preuzimanju prava i obaveza osnivača i usklađivanju organizacije i poslovanja Javne zdravstvene ustanove Kantonalni zavod za borbu protiv bolesti ovisnosti („Službene novine Zeničko-dobojskog kantona“, broj: 11/12), (u daljem tekstu: Odluka) u članu 2. stav 1. mijenja se i glasi:

„Javna zdravstvena ustanova Kantonalni zavod za borbu protiv bolesti ovisnosti nastavlja sa radom i poslovanjem pod promjenjenim nazivom koji glasi: Javna zdravstvena ustanova zavod za bolesti ovisnosti Zeničko-dobojskog kantona“.

Član 2. (Izmjena člana 4. Odluke)

Član 4. Odluke, mijenja se i glasi:

Zavod obavlja poslove utvrđene Odlukom o klasifikaciji djelatnosti Bosne i Hercegovine („Službeni glasnik Bosne i Hercegovine“, broj: 47/10), koji obuhvata sljedeće razrede:

- a) 86.10 - djelatnosi bolnica,
- b) 86.22 - djelatnost specijalističe medicinske prakse i
- c) 86.90 - ostale djelatnosti zdravstvene zaštite.

U okviru djelatnosti iz stava 1. ovog člana Zavod obavlja:

- stacionarnu i ambulantno-polikliničku zdravstvenu zaštitu sa rehabilitacijom oboljelih ovisnika,
- planira, predlaže i provodi mjere primarne prevencije za očuvanje i unapređenje zdravlja u segmentu ovisnosti,
- dijagnostiku, terapiju, sekundarnu i tercijarnu prevenciju, rehabilitaciju i socijalnu reintegraciju ovisnika,
- provođenje programa supstitucione terapije prema standardima Svjetske zdravstvene organizacije,
- vođenje registra bolesti ovisnosti,
- ostvaruje saradnju sa zdravstvenim ustanovama svih nivoa zdravstvene zaštite,
- ostvaruje saradnje sa ustanovama koje kroz svoju djelatnost mogu biti uključene u borbu protiv bolesti ovisnosti (osnovne i srednje škole, prosvjetno-pedagoški zavodi, visokoškolske

ustanove, centri za socijalni rad, nevladine organizacije, sportska udruženja, udruženje građana i roditelja),

- provodi istraživački rad i statističku obradu iz oblasti ovisnosti,
- organizuje i/ili provodi programe smanjenja štete za lica koja injektiraju droge, organizuje stručna savjetovanja, seminare, javne tribine, predavanja i druge aktivnosti od značaja za ostvarivanje djelatnosti Zavoda,
- provodi edukaciju medicinskog osoblja iz oblasti ovisnosti,
- izrađuje i provodi doktrinu i model u pružanju zdravstvene zaštite u oblasti ovisnosti,
- učestvuje u dopunskom stručnom osposobljavanju zdravstvenih i nezdravstvenih radnika iz svoje profesionalne oblasti i
- obavlja i druge poslove u oblasti bolesti ovisnosti u skladu sa posebnim propisima.

Član 3. (Stupanje na snagu)

Ova Odluka stupa na snagu osmog dana od dana objave u “Službenim novinama Zeničko-dobojskog kantona”.

Broj:
Datum:
Zenica

PREDSJEDAVAJUĆI

Jasmin Duvnjak